

PAURO VILOTO

Que tapage dins la carriero!
Pèr ma fisto li gens soun fôu!
Se dirias pas qu'es jour de fiero
O que van, espera li biòu?...
Ai bèu vira dins mi linçòu
A la paiero;
Pourai pas de touto la niue
Plega lis iue!

REFRAIN

*Pauro viloto, Betelèn,
Sies ben pichoto;
Lou mestre dòu mounde pamen
Nais dins toun sen.*

Mancavo pas que li campano!
Que chafaret, grand Diéu dóu cèu!
Ai pòu que ma pauro cabano
S'abousoune; sourtiguèn lèu ...
Mai monte vai coume un troupèu
La caravano
Que fasié piéi tant bacanau
Davans l'oustau?

Arrestas-vous, pastre e pastouro;
Disès-me monte anas ansin?
D'estre pèr orto es gaire l'ouro,
E piéi fai uno fre de chin!
Entendes pas dins li sapin
L'auro que plouro?
Reviras-vous, que l'eiganiau
Vous farié mau!

REFRAIN

1

Nous chautan bèn de la jalado :
Trouvan que fai un tèm d'estiéu!..
Dins un jas de vosto bourgado
Vèn de naisse lou Fiéu de Diéu!...

2

Ah! Voulès vous trufa de iéu,
Mi cambarado;
Me prenès pèr un innoucènt :
Lou vesé bèn!...

1

Vers la jacènt quand arribèron,
De joio aurièn crida secous,
Bèn talamen ço que veguèron
Ero béu e meravious!...

2

Après l'aubado, benurous
S'en reveguèron!..
De Mario èron benesi,
De Jèsu aussi!...

REFRAIN